

Fermin Campo y Suriany de Mey a bira ganadornan absoluto di Festival di Ranchera a la Grande

ORANJESTAD (AAN): Un publico grandi tabata presente Diasabra anochi den Centro Caiquetio na Paradera, pa asina presencia e Festival di Ranchera a la Grande.

E evento di musica ranchera tabata pa escoge un "Rey de la Cancion Mexicana", y tambe "Reina de la Cancion Mexicana".

DIARIO a nota cu e Festival aki a wordo dedica na Miguel van der Linde.

E solo hecho cu Centro Caiquetio tabata yen di hende, ta demostra cu pueblo di Aruba keto bay ta un gran amante di musica di ranchera. Y e sonido di Mariachi tabata perfecto henter anochi. Tur comentario cu por a tende, ta cu e Festival aki tabata di un nivel basta halto.

Mariachi Perla di Aruba a acompaña 30 cantante e anochi aki, y sigur cu cada uno a demostra nan habilidad unico riba escenario, y cu dominio di nan voz.

Na final, e ganador absoluto di "Rey de la Cancion Mexicana" a bira Fermin Campo.

E ganadora absoluto di "La Reina de la Cancion Mexicana" 2019 a bira Suriany de Mey.

E demas ganadornan di e Festival den categoria Cabayero ta:

Di 2 lugar ta Jason Kelly. Di 3 lugar ta Sidney Simons. Di 4 lugar ta Mario Kelly Jr. Di 5 lugar ta Jaime Robles de Medina.

Den categoria di Damas, e ganadornan ta como lo siguiente:

Di 2 lugar ta Olga Tromp. Di 3 lugar ta Katharine van der Linde. Di 4 lugar ta Michaelle Thijsen. Di 5 lugar ta Julisa Hoevertsz.

